



ახალგაზრდა ადვოკატები
YOUNG BARRISTERS

ღირსება
თავისუფლება
თანასწორობა

Non-Profit Human Rights NGO Young Barristers

არასამეწარმეო (არაკომერციული) იურიდიული პირი „ახალგაზრდა ადვოკატები“

www.barristers.ge

ა.ა. #255

საქართველოს თავდაცვის მინისტრს
ბატონ ირაკლი ალასანიას

ა/ო „ახალგაზრდა ადვოკატები“
თბილისი, საბურთალო, ვაზისუბნის ქუჩა #7

მიმართვა

(სამხედრო მოსამსახურეების მოწამვლის ფაქტთან დაკავშირებით)

ბატონო ირაკლი,

არასამთავრობო ორგანიზაცია „ახალგაზრდა ადვოკატები“ უკვე მერამდენედ მიმართავს საქართველოს თავდაცვის სამინისტროს, რათა სათანადო ყურადღება გამახვილდეს თქვენი უწყების ლოჯისტიკის უსაფრთხოებაზე და გატარდეს შესაბამისი ზომები, რათა მინიმუმამდე დავიდეს სამხედრო მოსამსახურეების საკვები პროდუქტებით მოწამვლის ფაქტები. ორგანიზაცია, ერთი მხრივ დადებითად აფასებს იმ ცვლილებებს, რომელიც კომპანია „ქართული კვების“ მენეჯმენტის შეცვლას უკავშირდება. მეტიც, ჩვენ მონაწილეობა მივიღეთ კომპანიის მიერ დაგეგმილ მრგვალ მაგიდაში, რომელიც არასამთავრობო ორგანიზაციებთან დაიგეგმა და გახლდით ერთ-ერთ დისლოცირებულ ბრიგადაში, სადაც ადგილზე შევაფასეთ ჯარისკაცთა კვებითი მდგომარეობა, თუმცა მენეჯმენტის უკეთ მუშაობისთვის თვალსაჩინოდ შემოთავაზებული აღნიშნული ღონისძიებები, პრობლემებს ვერ მოაგვარებს.

„ახალგაზრდა ადვოკატები“, მიღებული ინფორმაციის საფუძველზე, მიუთითებს, რომ 16–22 სექტემბრის შუალედში, 330 ჯარისკაცის მოწამვლის ფაქტი კვლავ დაფიქსირდა, კერძოდ 31–ე ქარხნის ტერიტორიაზე არსებულ ბრიგადაში, მე–11 ბრიგადასა და საინჟინრო ბრიგადაში. იქედან გამომდინარე, რომ ინფორმაციის წყარო თავად სამხედრო მოსამსახურეთა ოჯახებია, ჩვენ ავირეღ ვალდებულება და პასუხიმგებლობა, ღიად არ გვესაუბრა მათ შესახებ, ვინაიდან აღნიშნულ ადამიანებს კვლავ აქვთ განცდა, რომ პრობლემები შეექმნებათ. მიგვაჩნია, რომ ბოლო პერიოდში,

Tbilisi, Georgia, Saburtalo, Vazisubani str. #7 551 081803
pryoungbarristers@gmail.com; pryoungbarristers@yahoo.com



ახალგაზრდა ადვოკატები
YOUNG BARRISTERS

ღირსება
თავისუფლება
თანასწორობა

Non-Profit Human Rights NGO Young Barristers

არასამეწარმეო (არაკომერციული) იურიდიული პირი “ახალგაზრდა ადვოკატები”

www.barristers.ge

ჯარისკაცების მოწამვლის გახშირებული ფაქტები, კიდევ ერთხელ მიუთითებს, რომ საქართველოს შეიარაღებული ძალების კვების უსაფრთხოებაში არსებული პრობლემები გამოუსწორებელია და შეცვლილი მენეჯმენტი სათანადოდ ვერ უზრუნველყოფს ლოჯისტიკის სფეროში არსებული საკითხების შესაბამის გადაწყვეტას და ხარვეზების აღმოფხვრას.

„ახალგაზრდა ადვოკატები“ კიდევ ერთხელ მოგმართავთ და ჯარისკაცების მოწამვლის ფაქტებზე, სათანადო რეაგირებისკენ მოგიწოდებთ. როგორც ვთქვით, მართალია, კომპანია „ქართული კვების“ მენეჯმენტი შეიცვალა, რომელიც თავდაცვის სფეროში კვებითი უზრუნველყოფის მიმართულებით, ერთ-ერთი მთავარი კონტრაქტორია, თუმცა სამხედრო მოსამსახურეების საკვები პროდუქტებით მოწამვლის ფაქტი კვლავ სისტემურ პრობლემად რჩება. ამიტომაც, სამინისტრომ კვებითი უსაფრთხოების მიმართულებით უნდა გააძლიეროს კონტროლი და ფაქტების დადასტურების შემთხვევაში, დააყენოს კვებით უზრუნველყოფაზე კონტრაქტორი კომპანიების პასუხისმგებლობის საკითხი. ამასთან, საზოგადოებისთვის უცნობია, რომელი კომპანიები იღებენ პასუხისმგებლობას უწყებაში ლოჯისტიკის სფეროს ეფექტურ მუშაობასა და უსაფრთხოებაზე, როდემდე უნდა გრძელდებოდეს ჯარისკაცების მოწამვლის ფაქტები და არ ხდებოდეს შესაბამისი უფლებამოსილების მქონე პირების პასუხისმგებლობის საკითხის დასმა.

ორგანიზაცია სრულად იზიარებს იმ პასუხისმგებლობას, რომელიც საკითხზე მსჯელობას და დასაბუთებას ახლავს. 2013 წლის 31 ივლისს გამართულ ბრიფინგზე, „ახალგაზრდა ადვოკატებმა“ საზოგადოებას მივაწოდეთ ინფორმაცია საკვები პროდუქტებით მოწამვლის გაუხმაურებელი შემთხვევის შესახებ, რომელიც სენაკის სამხედრო ბაზაზე მოხდა. მაშინ მოიწამლა 52 ჯარისკაცი და ფაქტი 25 ივლისს მოხდა. განცხადებას სამინისტროს ზოგიერთმა უფლებამოსილმა პირმა, მათ შორის თქვენმა მრცველებმა დაუსაბუთებელი უწოდა, თუმცა მოგვიანებით, სამინისტრომ, თავისი წერილით, სენაკის სამხედრო ბაზაზე ჯარისკაცთა მოწამვლის ფაქტი დაადასტურა და 2013 წლის 23 აგვისტოს წერილით ცნობილი გახდა, რომ ფაქტზე აღძრულია სისხლის სამართლის საქმე, დანიშნულია ექსპერტიზა და მიმდინარეობს გამოძიება.

„ახალგაზრდა ადვოკატები“, მოცემულ შემთხვევაშიც უტყუარს უწოდებს 320 ჯარისკაცის მოწამვლის ფაქტს 31-ე ქარხნის ტერიტორიაზე არსებულ ბრიგადაში, მე-11 ბრიგადასა და საინჟინრო ბრიგადაში. შესაბამისად, ორგანიზაცია გამოთქვამს იმედს, რომ სამინისტრო ფაქტის მიჩქმალვას არ შეეცდება.

გთხოვთ, მოგვაწოდოთ ინფორმაცია, რა გარემოებებში მოხდა 31-ე ქარხნის ტერიტორიაზე არსებულ ბრიგადაში, მე-11 ბრიგადასა და საინჟინრო ბრიგადაში ჯარისკაცების მოწამვლა და მიმდინარეობს თუ არა ფაქტზე შიდაუწყებრივი მოკვლევა?

Tbilisi, Georgia, Saburtalo, Vazisubani str. #7 551 081803
pryoungbarristers@gmail.com; pryoungbarristers@yahoo.com



ახალგაზრდა ადვოკატები
YOUNG BARRISTERS

ღირსება
თავისუფლება
თანასწორობა

Non-Profit Human Rights NGO Young Barristers

არასამეწარმეო (არაკომერციული) იურიდიული პირი „ახალგაზრდა ადვოკატები“

www.barristers.ge

პატივისცემით,
არჩილ კაიკაციშვილი

ა/ო „ახალგაზრდა ადვოკატების“
თანადამფუძნებელი

28 სექტემბერი, 2013